

明

史

明史卷一百十三

志八十七

兵衛八

天下鎮戍兵

明幅員綿邈東起鴨綠西抵嘉峪爲邊者九千餘里成祖即北平建都碣石冀北燕山負海塞垣聯絡據乎要險居庸爲京北門隸于昌平密邇薊州薊昌俱畿內要地故不稱鎮薊之稱鎮自嘉靖庚戌昌之稱鎮自嘉靖庚申皆世宗所建置也循居庸左轉爲漁陽盧龍當山海之際古所謂臨渝也控扼遼東外爲遼陽鎮遼鎮孤懸千里三面臨邊一面阻海恃山海

關一線內通前代俱耶縣其地明盡改置衛右轉循
太行西南包平原沃野帶絡數十城爲古燕趙邦而
宣府大同宿重兵鎮馬宣府大同漢上谷雲中也宣
府設衛開平東接大寧西聯獨石而開平興和萬全
爲要地自大寧棄興和廢開平孤立徙鎮獨石宣府
遂稱重鎮大同平川曠野故邊警特鍾西則平鹵威
遠中則右衛水口皆敵南窺應朔路東則天城陽和
爲入順聖諸川之衝而平鹵西連老營堡與偏海近
套部南行首涉其境故大同稱難守居庸西舊松林
數百里中獨有間道騎行可一人即元北八兒導騎

南谷處紫荊倒馬二關扼馬而重兵鎮保定護京師
又右轉爲雁門寧武偏頭三關隸山西東起代郡外
斷雲中內經太原北境西盡雍河而雁門稱絕險自
偏頭逾河稍南爲陝西陝有三邊四鎮榆林舊治綏
德守在東勝後內遷失險而延綏因徙榆林榆林將
勇士力北人呼爲橐駝城塹自黃甫川西至定邊營
亘二千二百餘里墩堡勾連橫絕套口稱雄鎮西絡
寧夏固原二鎮寧夏西北倚賀蘭而東南阻河守在
花馬池包固原其中自河套失固原改開成州地益
重與寧夏爲唇齒號衝邊臨洮專制西陲半壁隸以

蘭河洮岷階文爲表裏聲援其自賀蘭又西至鎔番
極於甘肅皆古朔方地甘肅漢所謂河西五郡也明
置甘州五衛於張掖肅州衛於酒泉涼州衛於武威
西寧衛於湟中又置山丹永昌鎮番莊浪四衛列鎮
河外外薄於砂磧而肅州西七十里爲嘉峪關左番
右胡尤稱孤懸此皆自京西右轉循西以爲徼者也
自蘭州南抵洮岷階文界西與四川接壤皆吐番出
沒地又西南出爲雲南轉爲貴州又東南轉爲嶺表
中包湘楚黔百粵三江而諸蠻獠之屬各窟宅其中
稍奉約束且羈縻立鎮巡以示威德而鄭陽蒼梧南

賴爲重慎其間各練以城堡限以垣牆足以兵食統
以大將列以偏裨監以憲臣鎮以開府聯以總督此
其設陷守圍之大畧也其設官統兵鎮戍之名總鎮
一方者曰鎮守守一路者曰分守獨守一堡一城者
曰守備與主將同守一城者曰協守又有提督提調
巡視備禦領班備倭等名其總鎮各佩將軍印或不
皆曰總兵次曰副總兵又次曰叅將又次曰遊擊將
軍其鎮守內臣自永樂初出鎮遼東始自後各邊以
次添設而鎮守之下又有分守守備監鎗諸內臣嘉
靖十七年盡革去之天啟中魏忠賢專政關寧東江

等處復遣諸監鎮守莊愍帝立降諭撤回未幾復遣
宣雲各鎮皆有貂璫共事迨崇禎十四年復撤回王職
破潼關又復遣守各關鎮因而迎降者杜勳輩是也
其督撫兵備諸臣則始于宣德初以武臣疎文墨乃
選方面部屬官于各總兵處整理軍書後奏最陞擢
京職遂有至左右都御史尚書侍郎稱總督巡撫贊
理軍務等銜而按察司官整飭兵備者或副使或僉
事或以他官兼副使僉事沿海者稱海防道兼分巡
者稱分巡道兼管糧者稱兵糧道今具載之而各鎮
之官兵馬匹墩堡亦并見焉

薊鎮 總督薊遼保定等處軍務兼理糧餉都御史

一員 整飭薊州等處邊備兼巡撫順天都御史一

員 兵備道五員薊州一員昌平一員永平一員密

雲一員霸州一員 鎮守總兵一員 駐三屯營 協

守副總兵三員東路一員 駐建昌營 中路一員 駐三

屯營 西路一員 駐石匣營 分守叅將十一員通州

一員山海關一員石門寨一員燕河營一員臺頭營

一員太平寨一員馬蘭峪一員牆子嶺一員古北口

一員石塘嶺一員喜峰口一員 遊擊將軍六員總

督下右營一員 駐密雲 遵化左營一員總兵下左營

一員 駐三屯 松棚峪一員 曹家寨一員 大小峪一員

統領南兵遊擊將軍三員 中路一員 駐馬松東路

一員 駐建昌西路一員 駐石匠 領班遊擊將軍七

員 統領天津春班一員 寧山春班一員 通津春班一

員 防海四日 駐通州 德州春班一員 天津秋班一員

德州秋班一員 瀋陽秋班一員 諸員防兵四日 各駐

本班軍衛所地方操練 每班五千人 坐營官八員

總督中軍副總兵一員 駐密雲 總兵中軍官一員 駐

三日 建昌營坐營官一員 石匠車營一員 振威車營

一員 駐密雲 漢兒莊車營一員 遵化右車營一員 四

員皆操練
灤河車營一員領土著兵三千人

守備八員薊州一員蓟州一員遵化一員密雲一

員永平一員三屯營一員崔黃口一員領資城等四

縣民壯武清一衛軍餘

張家灣一員把總一員密

雲管河把總提調官二十六員黑骨關一員吉家

莊口關一員司馬臺一員潮河川關一員寬佃峪口

關一員義院口關一員界嶺口關一員擦崖子關一

員桃林口關一員羅文峪關一員大安口關一員將

軍關一員牆子嶺關一員白馬關一員大小峪關一

員黃土嶺關一員大毛山嶺關一員青山口關一員

冷口關一員榆木嶺關一員董家口關一員洪山口
關一員黃崖口關一員龍井兒關一員李家谷一員
鎮魯關一員

薊州原額官軍三萬九千三百三十九員名馬一萬
七百匹實在官軍三萬一千六百五十八員名馬六
千三百九十九匹密雲原額官軍九千六百五員名
馬二千三十二匹實在官軍三萬三千五百六十九
員名馬一萬三千二十四匹永平原設官軍二萬二千
二百七員名馬六千八十三匹實在官軍三萬九千
九百四十員名馬驢一萬五千八十四匹頭延綏入衛

兵三千四百名大同入衛兵二千九百名標營九百
名宣府入衛兵二千五百名城堡二百八十五座空
心敵臺一千二百四十座潮河川大橋一座

昌平鎮 鎮守總兵官一員 分守叅將三員居庸
關一員黃花鎮一員橫嶺口一員 遊擊將軍二員
總兵標下一員右騎營一員 坐營官三員左車營
一員 駐昌平 右車營一員 駐白羊口 昌平總兵下

員 守備十員鞏華城一員天壽山一員涿州城一
員懷柔一員黃花鎮一員灰嶺口一員白羊口一員
鎮邊城一員石峽峪一員八達嶺一員 提調官一

員基田峪關提調

昌平原額官軍一萬四千二百九十五員名馬三千
十五匹實在官軍一萬九千三十九員名馬驢五
千六百二十五匹頭城堡二十八座空心敵臺二百
五十餘座守邊墩臺一百六十九座

遼東鎮 巡撫遼東地方兼贊理軍務都御史一員
萬曆四十六年設遼東經略都御史又改總督遼東
都御史與巡撫兼設 兵備道五員寧前兵備一員

春夏駐寧遠 秋冬駐前屯 分巡遼海東寧道一員帶
管廣寧鎮義等處兵備 春夏駐錦州 秋冬駐復州 開

原兵備一員 管屯田軍收 分守遼海東寧道一員帶

管遼瀋撫順蒲河寬奠各城堡苑馬寺卿兼金復海

蓋兵備一員 夏秋駐蓋州冬春駐海州 鎮守征南

前將軍總兵官一員 駐河東遼陽道中地天啟中增

設 協守遼陽副總兵一員 節制開原海州險山瀋

陽等處 分守叅將五員開原等處一員 防冬駐中

圖 錦義右一員海蓋右一員寧遠左一員寬奠堡一

員 遊擊將軍八員前屯一員 駐中後所 廣寧左營

一員廣寧右營一員車營一員鎮武堡一員瀋陽一

員領兵入衛一員 駐廣寧 鐵嶺一員 守備五員

陽等處一員錦州城一員金州城一員鎮靜堡一員
清河堡一員坐營中軍官一員廣寧坐營備禦
十九員前屯城一員大清堡一員寧遠城一員廣寧
城一員東昌堡一員沅江城一員懿路城一員鎮西
堡一員中固城一員開原城一員蒲河城一員撫順
城一員瀋陽城一員駐平南堡西平堡一員長勇堡
一員長安堡一員江沿臺堡一員右屯衛一員慶雲
堡一員

遼東原額官軍九萬四千六百九十三員名實在八
萬三千三百四十員名原額馬七萬七千一匹實在

馬驢四萬一千八百三十四頭城堡二百七十九座
空心敵臺三十二座邊腹敵臺九十座墩臺二千七
百一十座

保定鎮 巡撫保定等府兼提督紫荆等關都御史

一員 兵備四員天津兵備一員紫荆兵備一員 駐

陽州 井陘兵備一員大名兵備一員 鎮守總兵官

一員 春秋兩防移駐浮圖峪遇有東警移駐紫荆關

分守叅將四員紫荆關一員龍固二關一員 駐茨

溝 馬水口一員倒馬關一員 遊擊將軍六員河間

領軍一員 往來駐河間滄州 定州領軍一員 駐府井

大二道民兵一員保定車營一員領巡撫標下馬兵

真定車營一員領總兵標下馬兵保定巡撫標營一

員坐營中軍官一員總兵下坐營守備七員德

州一員河間一員真定一員浮圖峪一員挿箭嶺一

員白石口一員沿河口一員把總七員烏龍溝一

員浮圖峪一員龍泉關一員固關一員狼牙口一員

大龍門一員金水口一員忠順官二員保定等衛

一員定州等衛一員係達官

保定原額官軍二萬九千三百八員名馬一千一百

九十九匹後額官軍三萬四千六百九十七員名馬

驢四千七百九十一匹頭邊城一百三十一座城堡
十六座空心敵臺五百五十九座舊敵臺二百九十
一座墩臺七百五十七座

宣大 總督宣大山西等處軍務兼理糧餉都御史

一員 巡撫宣府地方贊理軍務都御史一員 道

臣三員分巡口北道一員 駐馬營赤城 分守口北道

一員 駐宣府懷隆兵備一員 鎮守宣府鎮朔將軍

總兵官一員 協守副總兵一員 駐永寧城 分守

叅將七員北路獨石馬營一員東路懷來永寧一員

駐四海治 上西路萬全右衛一員南路順聖蔚廣一

員中路葛峪堡一員下西路柴溝堡一員提調南山
一員統募兵三千防守遊擊將軍三員舊遊兵遊

擊一員新遊兵遊擊一員二員每年輪番入衛薊鎮

回駐鎮城東路遊擊一員駐懷木坐營中軍官二

員巡撫下一員總兵下一員守備三十一員巡撫

下一員獨石城一員馬營堡一員赤城堡一員蔚州

堡一員龍門衛一員龍門所一員雲州堡一員長安

嶺堡一員滴水崖一員萬全左衛一員萬全右衛一

員張家口堡一員懷安城一員柴溝堡一員新開白

堡一員西陽河堡一員新河口堡一員洗馬林堡一

員保安新堡一員保安舊堡一員懷來城一員四海
治一員順聖東城一員順聖西城一員葛峪堡一員
膳房堡一員靖胡堡一員空道城一員深井堡一員
廣昌城一員

宣府原額官軍一十五萬一千四百五十二員名馬
五萬五千二百七十四匹實在官軍七萬九千二百
五十八員名馬駝羸三萬三千一百四十七匹頭城
堡七十一座

大同鎮 巡撫大同地方贊理軍務都御史一員
分巡分守兵備四員分巡冀北道一員 駐大同城陽

和兵備一員分守冀北道一員駐朔州城防秋移駐

平由左衛兵備一員鎮守大同征西前將軍總兵

官一員協守副總兵一員駐左衛分守叅將八

員東路一員駐天城北東路一員駐得勝堡中路一

員駐右營西路一員駐平由堡北西路一員駐助馬

堡井坪城一員新平堡一員總督標下左掖一員與

遊擊分領左右掖遊擊將軍二員總督標下右掖

一員車兵營一員兼巡撫中軍入衛遊擊四員每

年輪番二員入衛蔚城四駐鎮城坐營中軍二員

總督標下一員總兵下一員守備三十九員右衛

城一員應州城一員陽和城一員平鹵城一員左衛
城一員天城城一員朔州城一員威遠城一員馬邑
城一員井坪城一員靈丘城一員渾源城一員懷仁
城一員高山城一員弘賜堡一員鎮川堡一員鎮遠
堡一員鎮鹵堡一員鎮河堡一員破鹵堡一員威鹵
堡一員滅鹵堡一員寧鹵堡一員殺胡堡一員威胡
堡一員迎恩堡一員鎮羌堡一員助馬堡一員新平
堡一員靖鹵堡一員牛心堡一員雲石堡一員瓦窯
口堡一員平遠堡一員保平堡一員乃河堡一員威
平堡一員守口堡一員聚落城一員

大同原額官軍一十三萬五千七百七十八員名實
在八萬五千三百一十一員名馬藏驢原額五萬六
千六百五十四頭匹實在三萬五千八百七十頭匹
城堡六十四座敵臺八十九座墩臺七百八十八座
山西鎮 提督雁門等關兼巡撫山西地方都御史
一員 兵備六員分巡冀寧道兵備一員雁門兵備
一員 駐代州 守嵐兵備一員 駐偏頭關 分巡河東道
兼兵備一員潞安兵備一員行太僕寺卿兼寧武兵
備一員 駐寧武關 鎮守山西總兵官一員 駐寧武
防秋駐陽方口防冬移駐偏頭關 協守副總兵一

員領奇兵三千駐老營堡

分守叅將六員東路代

州等處左叅將一員西路偏頭關等處右叅將一員

太原等衛左叅將一員中路利民堡右叅將一員

駐麥川河曲縣一員駐夾溝營北樓口一員遊擊

將軍一員偏頭關遊擊坐營中軍官一員駐卑武

關守備十三員總兵標下一員偏頭關一員利民

堡一員寧武堡一員老營堡一員神池堡一員廣武

路一員平刑關一員北樓口一員岢嵐石照一員八

角堡一員水泉營一員汾州一員操守二員盤道

梁口一員滑石湖一員

山西原額官兵二萬五千二百八十七員名馬驢六千五百五十一匹頭後額官軍五萬五千二百九十五員名馬驢二萬四千七百六十四匹頭城堡墩臺隘口井空心敵臺三千七百四十一處

延綏鎮 巡撫延綏等處贊理軍務都御史一員

兵備道臣四員靖邊兵備一員 駐定邊營 神木兵備

一員榆林兵備一員分守河西道一員 駐慶陽 鎮

守延綏鎮西將軍總兵官一員 協守定邊副總兵

一員 分守叅將六員孤山一員東路右叅將一員

駐神木堡 西路左叅將一員 駐舊定邊營 中路一員

駐鎮靖堡

清平一員 榆林保寧一員

遊擊將軍二

員左營一員 右營一員

入衛遊擊四員

駐鎮城每

年輪流一員 入衛薊鎮

守備十一員 寧塞營一員

靖邊營一員 高家堡一員 黃甫川一員 大柏油堡一

員 靛井堡一員 波羅堡一員

兼管營水堡

雙山堡一

員 清水堡一員 懷遠堡一員 柳樹澗一員 鎮城坐

營中軍官一員

延綏原額官軍八萬一百九十六員 名馬四萬五千

九百四十四匹 實在官軍五萬三千二百五十四員 名

馬三萬二千一百三十三匹 頭城垣六十二座 民

寨堡城一百四十九座寨城五十五座空心敵臺二百三十九座敵臺一百六十六座墩臺一千三百七十六座

寧夏鎮 巡撫寧夏地方贊理軍務都御史一員

道臣二員寧夏晉糧道一員駐鎮城兵糧道行太僕

寺少卿僉事一員 鎮守寧夏征西將軍總兵官一

員 協守副總兵一員 分守叅將四員東路右叅

將一員 駐花馬池西路左叅將一員 駐寧夏後衛靈

州左叅將一員 每年河開移駐清水營河凍住來靈

州防守北路平鹵城一員 遊擊將軍三員鎮城一

員典武營一員廣武營一員守備三員玉泉營一員石空寺一員橫城堡一員坐營中軍官二員巡撫下千總一員總兵下一員管理鎮城都司一員管理水利屯田都司一員

寧夏原額官軍七萬一千六百九十三員名馬二萬二千一百八十二匹實在官軍三萬七千九百三十四員名馬一萬四千六百五十七匹營堡城九十四座開城六座敵臺三十五座墩臺五百三十四座關隘三十三座

陝西三邊總督軍務都御史一員駐固原道臣

六員固原靜寧隆德鎮原等處兵備一員洮岷兵備

一員延安兵備一員駐鄜州臨鞏兵備一員鞏昌兵

備一員靖鹵兵糧道一員

甘肅鎮 巡撫甘肅等處贊理軍務都御史一員

道臣三員甘肅兵備一員西寧兵備一員莊浪兵備

一員 鎮守甘肅平羌將軍總兵官一員 協守甘

肅左副總兵一員 分守五原涼州右副總兵一員

莊浪左叅將一員肅州右叅將一員西寧叅將一員

鎮番叅將一員 遊擊將軍四員莊浪一員駐石灰

清高臺一員碾伯一員巡撫標下一員 坐營中軍

官一員 守備十一員 洪水堡一員 山丹衛一員 紅
城子堡一員 鎮羌堡一員 寧遠堡一員 平川堡一員
嘉峪關一員 古浪一員 巴暖三川一員 北川一員 鎮
蕪一員 領班備禦都司四員 甘州頭班一員 甘州
次班一員 涼州頭班一員 涼州次班一員 上班分布
甘涼地方 下班駐臨洮鞏昌

甘肅原額官軍九萬一千五百七十一員 名馬五萬
九千三百一十八匹 實在官軍四萬六千九百一員
名 莊浪食糧土軍七百人 馬羸二萬一千六百六十
匹 頭城垣堡寨四百九十五座 關隘一百四處

陝西 巡撫陝西贊理軍務都御史一員 兵備五

員西安兵備一員涇邠兵備一員 駐邠州商洛兵備

一員 駐商州潼關兵備一員 管潼關衛班軍 漢羌兵

備一員 駐漢中 鎮守總兵官一員 駐固原 分守

六員洮岷副總兵一員 駐洮州 河州叅將一員蘭州

叅將一員靖鹵叅將一員陝西叅將一員階文西固

叅將一員 遊擊將軍四員固原東路一員 駐紅德

城固原西路一員 領兵三千駐西安府 總督下左營

一員 駐固原 總督下右營一員 中軍官一員總督

下 守備八員固原一員岷州一員環慶一員西固

城一員文縣一員漢中一員永安堡一員舊洮州堡
一員坐營中軍官一員總兵下

固原原額官軍一十二萬六千九百一十九員名馬
羸牛三萬二千二百五十二匹頭隻後額官軍九萬四
百一十四員名馬羸牛三萬三千八百四十二匹頭
雙城堡八百八十五座戰敵等臺八百二十座護城
堡墩臺角臺四千一十座

四川提督軍務巡撫四川都御史一員兵備道

臣八員安綿兵備一員駐綿州威茂兵備一員重慶

兵備一員夔州兵備一員駐達州敘馬兵備一員駐

建武鎮城分巡上川南道一員駐龍州建昌兵備一員

員松潘兵備一員鎮守四川總兵官一員駐建武

所萬曆初平却蠻設建武所因設總兵坐鎮分守

松潘副總兵一員協守二員協守松潘東路左叅

將一員駐龍州協守松潘南路右叅將一員駐茂州

遊擊將軍二員東路一員駐疊茂南路一員往來

小河一帶巡視守備六員臚臘一員雅黎一員敏

蘆一員壩底一員寧越一員會鹽一員總兵坐營

官一員

原額官軍一萬四千八百二十二員名實在一萬八

百九十七員名馬軍一千四百八十九員名步軍九千四百零八員名文印山等處城堡十二所平蠻山頂墩四所脚板崖深溝子等處墩二十四處

雲南 巡撫雲南兼建昌畢節等處地方贊理軍務兼督川貴糧餉都御史一員 兵備四員臨安兵備

一員騰衝兵備一員瀾滄兵備一員曲靖兵備一員

鎮守雲南征南將軍總兵官一員 分守三員臨

元參將一員永昌參將一員順蒙參將一員 駐順大

適中 守備二員洱海一員 駐大姚縣 騰衝一員

巡撫中軍坐營官一員

雲南原額漢土官軍六萬三千九百二十三員名實
在六萬二千五百九十三員名

貴州 巡撫貴州兼督理湖北川東等處地方提督
軍務都御史一員 兵備四員都清兵備一員戚清
兵備一員畢節兵備一員思石兵備一員 鎮守總
兵官一員 駐銅仁 分守二員提督清浪右叅將一

員提督川貴迤西左叅將一員 駐歇馬壩永寧衛

守備七員普安一員 駐安莊衛 銅仁一員 駐平頭長

官司 迤東一員畢節一員 駐烏撒衛 都勻一員 駐平

越衛 壩陽一員 領操兵 思石一員 駐石屏府臨揚州

參將節制

巡撫中軍官一員

貴州官軍民兵二萬八千三百五十五員名馬軍二千三百八十二員名步軍二萬二千三十六員名

兩廣總督兩廣軍務兼理糧餉兼管鹽法兼巡撫

廣東都御史一員廣東兵備道七員海道兼整飭

廣州兵備一員駐 陳 莞 南 頭 城韶南兵備一員駐 韶

州惠潮兵巡一員駐 潮 州高肇兵備一員羅定兵備

一員雷廉兵備一員駐 廉 州瓊州兵備一員鎮守

總兵官一員駐 潮 州 府協守潮漳副總兵一員駐

高洪分守七員潮州參將一員瓊崖參將一員雷

廉參將一員駐雷州府東山參將一員領兵三千名

駐雷西山參將一員領兵三千駐口督理廣州

海防參將一員駐東莞南頭惠州參將一員駐海豐

縣練兵遊擊將軍一員駐肇慶總督軍門標下

守備五員南韶一員駐英德縣羅定州一員恩平一

員柘林一員廣海一員坐營中軍官二員兩廣軍

門下一員總兵標下一員會領把總所練鄉兵把

總四員瓊州白沙寨一員白鶴門水寨一員碣石水

寨一員北津水寨一員

廣東原額旗軍二萬九千九百四十七名召募官兵

三萬五千二百六十八員名

巡撫廣西都御史一員 廣西兵備五員分巡桂林

道一員蒼梧兵備一員 駐鬱林州 賓州兵備一員府

江兵備一員 駐平樂 左江道一員 駐南寧 鎮守廣

西總兵官一員 分守五員潯梧左叅將一員 駐岑

溪柳慶右叅將一員 駐柳州 永寧叅將一員思思叅

將一員昭平叅將一員 守備三員興安一員慶遠

一員永寧一員 總兵坐營官一員

廣西原額官軍一十二萬一千二百八十九員名實

在操募二萬五千八百五十四名官軍一萬三千九

十七員名馬軍八百二十五員名步軍一萬二千二百七十五名

湖廣 巡撫湖廣兼提督軍務都御史一員 兵備

道臣十一員分巡武昌道一員分守荆西道一員駐

承天府 沔陽兵備一員岳州兵備一員蘄州兵備一

員郎襄兵備一員撫治荆西兼施歸兵備一員分守

上荆南道一員駐澧州分守湖北道一員駐辰州柳

桂兵備一員春夏駐柳州秋冬駐衡州靖州兵備一

員 提督軍務兼撫治郎陽等處都御史一員 鎮

守湖廣平蠻將軍總兵官一員 分守三員黎平叅

將一員

駐五開衛

鎮軍叅將一員

駐五寨

鄖陽叅將

一員

守備十一員

武岡一員 永道一員

清鎮一員

柳桂一員

駐宜章

九永一員

駐九谿

靖州一員

駐五

開荆瞿一員

駐荊州

鄖襄一員

駐鄖陽府

鎮軍一員

巡視洞庭湖一員

三江口一員

大圍山把總一員

節制長沙岳州二衛官軍

湖廣原額官軍六萬八千八百二十九員名

南直隸

總理糧儲提督軍務巡撫應天等處都御

史一員

總理漕運兼提督軍務巡撫鳳陽等處兼

晉河道都御史一員

兵備五員 徽寧池太安慶廣

德兵備一員駐池州 蘇松常鎮兵備一員 潁州兵備

一員 淮揚海防一員駐泰州 徐州兵備一員 提督

狼山副總兵一員 鎮守江南副總兵一員駐吳淞

分守二員 徐州叅將一員 轄兵分爲三營 徐州一

營 宿州一營 歸德一營 糧運行 駐徐州 以顧運道 冰

合 駐宿州 以防陸路 春班歸德 以防竊發 含山叅將

一員 劉家河遊擊將軍一員 守備六員 儀真一

員 安慶一員駐雷港 鹽城一員 無事 駐邳州 有事防

鹽城 泗州一員專一 蘇陵掘港一員 楊舍一員守

海口 鳳陽軍門中軍官一員駐淮安 把總十三

員川沙堡一員柘林堡一員劉家河一員吳淞口一
員荻港一員京口團山一員福山港一員周家橋一
員東海一員大河口一員狼山水兵一員遊兵一員
駐上新河 中平鎮一員

江南北類設官軍一十萬二千一百六十七員名召
募軍兵七千一百四十九名

浙江 提督軍務巡撫浙江地方都御史一員 兵

備官六員杭嚴兵備一員 駐杭州 金衢兵備一員 駐

衢州 嘉湖兵備一員 駐嘉興 海道一員 駐寧波 台州

兵備一員溫處兵備一員 駐溫州 鎮守浙江總兵

官一員 分守四員 杭嘉湖參將一員 駐海鹽 寧紹

參將一員 駐舟山 溫處參將一員 駐溫州 台金嚴參

將一員 駐松海 遊擊將軍二員 軍門標下左營一

員 軍門標下右營一員 總捕都司一員 駐衢州

把總七員 定海總兵一員 管遊哨兵船 昌國一員 松

海一員 金盤一員 海寧一員 臨觀一員

浙江原額兵壯一十三萬一百八十八員 名實在七

萬八千六十二員 名

江西 巡撫江西地方兼理軍務都御史一員 兵

備四員 南昌兵備一員 駐寧州 九江兵備一員 撫建

廣兵備一員 夏秋駐建昌冬春駐撫州 袁州兵備一

員 駐吉安 巡撫南贛汀韶等處地方提督軍務都

御史一員 贛州兵備一員 分守南贛叅將一員

駐會昌縣 守備四員南湖一員 駐湖口 鄱陽湖一

員 駐都昌縣 萬安一員寧州銅鼓石一員 南贛團

操一員 把總六員鉛山一員長河營一員 駐南安

府 羊角水堡一員建昌一員撫州一員長寧一員

江西原額正軍三萬九千八百九十三員實在旗軍

餘丁二萬八百四十八名南贛所轄江西官軍九千

一百四十八員名福建官軍八千一百七十一員名

廣東官軍八百二十九員名湖廣官軍一千九百二

十八員名

福建 提督軍務兼巡撫福建地方都御史一員

兵備六員福州兵備一員福寧兵備一員建南兵備

一員海道一員興泉兵備一員 駐泉州 分巡漳南道

一員 駐上杭縣 鎮守福建總兵官二員 駐福州

分守南路叅將一員 駐元鐘 守備三員汀漳一

員 駐武平千戶所 中路一員 駐興化 北路一員 駐福

寧州 把總七員巡撫下一員 專練土兵 小埕一員

烽火門一員銅山一員浯嶼一員南日山一員遊兵

下坐營官一員

福建原額兵一十二萬五千三百八十一員名實在

三萬八千四百七十五員名

山東巡撫山東等處地方贊理營田兼管河道提

督軍務都御史一員 兵備七員武定兵備一員 冬

春駐武定夏秋駐德州 濟寧兵備一員曹濮兵備一

員 駐曹州 沂州兵備一員臨清兵備一員青州兵備

一員海道一員 總管備倭都司一員 駐登州府

領薊鎮班都司四員 春班二員秋班二員 天啟中

增設巡撫登萊都御史一員 總兵官一員 皮島

總兵官一員崇禎中撤

山東額設官軍四萬三千六百三十一員名直隸沂
莒二衛改屬班軍二千二百一十七名

河南 巡撫河南等處地方兼管河道兼提督軍務
都御史一員 兵備四員開封兵備一員大梁兵巡

道一員 駐陳州 磁州兵備一員分巡汝南道一員

守備三員嵩縣一員汝寧一員唐縣一員 領薊鎮

班都司四員 春班二員秋班二員 崇禎中增設提

勦總兵官一員

河南原額食糧正軍三萬一千一百七十七名軍舍

操防二萬二千名

崇禎戊寅丁丑新定邊制

遼東三協

遼東舊二十五衛茲五衛八城寧遠居中錦州爲首
前屯爲尾而邊外直老河沿都令板升崑墩林一帶
地方僅五百里額兵六萬八千名除水兵雜役凡守
將四十員守兵四萬七千七百四十名戰將一十四
員戰兵一萬四千五百四十一名援兵二萬名分二
撥頭撥聞警先發二撥承調續行

東協

山永

山海

永平 二城

建昌

燕河

石門

山海

四路從西路起

戰兵三萬名 見兵二萬六千名分三撥頭撥一萬
名次撥三撥各八千名

中協 薊州

密雲 一城

石塘

古北

賈家

牆子

四路

額兵四萬三千名 議派援兵一萬五千名分二撥
一萬隨賊截勦五千防守園陵

昌平

鞏華

二城

居庸

黃花

鎮邊 三路

薊州

遵化 二城

馬欄

松棚

喜峯

太平 四路照前而起

額兵四萬七千名

議派援兵二萬四千名續增火

器戰兵四千六百名

西協 密雲

西協聯絡昌鎮密雲陵京初爲總督信地自戊寅牆路失守廷議始照東中兩協特設撫臣而督臣額兵三萬二千名議增火器步兵二萬名西協派五千中協派一萬東協派五千臨警赴援分布陵前紅門

三處陵後六口昌華二城

通州

通鎮北拱衛京輦南防運道與前昌鎮俱係崇禎九年添設督治侍郎總兵通鎮後議歸併保督侍郎裁應守四處本州城張灣城務關城三河城額兵一萬八千二百七十二名除派防城守外議派援兵三千七百名

真保

真保原屬內地以宣大山西爲外藩又爲陵京外藩添設新兵分立信地遵照三協畫分四路拒牆擺守

制如外邊原鎮保定後以真保協通稱真保

馬水

紫荆

倒馬

龍固 四路

額兵

名議派援兵一萬二千名分四枝

宣大三鎮

宣府

西路懷來

中路永平

東路柳溝

宣之東路

陵後設防之西協也

守禦南山兩協

東協

駐四海治

西協

駐柳溝路

潁兵

額兵

名議派援兵七千名

大同

天城 新平 共八路

額兵 名議派援兵一萬二千名

山西

東路雁門關 中路寧武關 西路偏頭關

額兵 名議派援兵六千名

陝西三邊仍舊

按丁丑覈實邊備凡援兵遼東二萬關兵二萬六千
遵化二萬四千密雲二萬保定一萬二千宣府七千
大同一萬二千山西六千有警赴援各以總督專主

惟遠東之兵聽總監其通昌督治及薊遠宣大巡撫
各守本等信地共十二萬七千人及戊寅遵行未改
己卯復漕練新兵十二萬紛紛益多制矣

明史卷一百十四

志八十八

兵衛九

防海兵

始吳元年浙江行省平章李文忠言浙江嘉興海鹽
海寧沿海州縣皆邊防之所宜設兵戍守迄洪武初
既平天下命靖海侯吳禎籍方國珍所部溫台慶元
三府軍士及蘭秀山無田糧之民隸各衛爲軍仍禁
沿海民不得私出海時方國珍張士誠餘黨多竄匿
島間勾倭爲寇五年始命浙江福建造海舟防倭明
年德慶侯廖永忠上言臣聞禦寇莫先於振武振武

莫先於利器用陛下神聖文武定四海亂君主萬國而東南倭寇負其鳥獸之性時出剽掠擾瀕海民陛下命造海舟剪捕此寇然倭寇窺伏海島乘便利以肆侵掠來去剽忽不易逐捕臣請令廣洋江陰橫海水軍四衛添造多櫓快船命將領之無事則沿海巡徼以備不虞寇來則火船薄之快船逐之庶可勦捕帝善而從之又明年以靖海侯吳楨爲總兵官都督兼事于顯副之領江陰等四衛舟師出海巡捕所統在京各衛及沿海諸衛軍悉聽節制其後十七年命信國公湯和巡視海道築山東江南北浙東西海上

諸城後三年又命江夏侯周德興往福建以福興漳
泉四府民戶三丁取一爲沿海衛所戍兵其原置軍
衛非要害者移置之德興按籍得丁壯萬五千人築
城一十六增置巡檢司四十有五分隸諸將以爲防
禦其年復置定海盤石金鄉海門四衛於浙金山衛
于松江之小官場及青村南匯嘴城二千戶所又置
臨山衛于紹興及三山滙海三江等千戶所而先是
置八千戶所于寧波溫台等府並海地曰平陽三江
龍山鄞甯大嵩錢倉新河松門皆屯兵以備海寇二
十一年又命湯和行視閩粵要害地築城增兵以固

守備置福建沿海指揮使司五曰福寧鎮東平海永
寧鎮海頌千戶所十二曰大金定海梅花萬安浦
崇武福全金門高浦六鰲銅山浚鍾防倭二十三年
詔濱海衛所每百戶置船二艘巡邏海上盜賊巡檢
司亦如之後復因山東都司周房言建五總寨於寧
海衛與先建萊州衛八總寨轄四十八小寨兵備倭
寇已復命都督僉事劉德商高巡視沿海州郡督各
衛嚴爲備禦遇有調發則千百戶所全軍同出庶兵
將相知不致相失當是時內固邊防而外絕日本倭
虞之貢故終洪武之世海上無警永樂元年鎮海衛

士張琬言浙江定海諸處實係出沒地而太倉當其衝衛軍少遇警無以備乞選蘇州鎮海二衛虎賁士以其半獲倉庾以其半增海舟爲守禦帝從其言既而復增招沿海島人姦戶賈暨漁丁爲兵於是海防益嚴宣德初備倭都指揮使衛青奏緣海地紆回四千餘里城堡烽堠三百餘所比年累調諸守衛軍營造巡瞭者少恐悞事機山東都司亦奏左軍都督府徵取軍士餘丁營繕帝曰役人當節其力則事不悞令工部以所役緣海軍士分兩班番上正統初巡撫浙江侍郎王淪言沿海等處洪武間量其險易建立

衛所備禦倭寇陸置烽墩水設哨船無事則各守信地有警則互相策應是以海道寧息人民獲安未幾間因調官軍於沈家門等處設水寨既而松門等處累被倭劫掠衛所軍少水寨策應不及致彼得以乘虛我軍不能制勝乞遵洪武事例悉免轉輸俾專捍禦仍令都司歲以都指揮一員提督從之尋以沿海地方廣濶命都督同知張翥提督福建都指揮僉事吳凱提督浙江復命襄城伯李隆等選都指揮一員提督南直隸沿海諸府仍戒遇警互相策應毋失事機又三年巡按浙江御史趙忠言定海所屬烈港沈

家門黃溪港爲衝要地乞將觀海定海臨山寧海四
衛士并海艘各以其半赴瀝港停泊往來於沈家門
黃溪港及本境海道巡哨而備倭侍郎焦宏亦議自
乍浦至昌國後千戶所令署都指揮僉事金玉領之
自健跳至蒲門千戶所令署都指揮僉事蕭華領之
其昌國衛當南北之中令都指揮使李信居中提督
而福建自福寧至莆禧八衛所屬都指揮僉事賈忠
自崇武及元鍾十衛所屬都指揮僉事劉海而提督
則係之都指揮僉事王勝俱從之景泰三年置福建
五水寨始闢地備倭軍船分爲九灣星散勢弱至是

鎮守尚書薛希璉言烽火門小埕灣南日山浯嶼西
門灣五處俱係要地欲將出海官軍船分立五寨肯
捕委才武指揮二員歲一更代把總五寨之名由是
起馬六年募近海備倭民夫浙江叅政曹凱言備倭
民夫乞行鎮守等官體勘若係要害之處宜給以鎧
仗就鄰近巡司時常操備其非要害者罷之孝宗時
江南海洋多盜十八年巡撫都御史魏紳請選沿海
衛所官軍舍餘定立水陸機宜以時操練仍畫疆防
汛有失查治其後嘉靖中海上患倭設浙江巡撫都
御史兼管福建海道提督軍務以朱統爲之已而御

史周亮給事中葉鏜先後俱言不便以一人兼二省
部覆言浙江舊無巡撫或遇警遣重臣巡視事寧即
止今宜改巡撫而復巡視如舊從之紘尋去任島倭
海盜益肆復改山東巡撫都御史王忬提督軍務巡
視浙江兼晉福興漳泉地方而以瓊崖叅將俞大猷
爲溫台寧紹叅將中都留守湯克寬爲福興漳泉叅
將聽節制于忬克寬請募徐邛盜爲兵部覆言古亦
有募士于羣盜者且克寬父慶嘗用之破江洋賊有
勅可許明年增金山叅將分守蘇松等處海防已復
增杭嘉湖叅將及兵備官尋改金山叅將爲副總兵官

先是嘉靖八年及十九年因海寇竊發添設總兵官于鎮江後事寧罷至是南給事中賀涇御史汪克用各言宜復設此官俾整飭上下江洋總制淮海並護蘇松等郡部覆如議添設令駐金山衛節制將領鎮守沿海地方調募江南北徐邳等處官民兵以克戰守帝令暫設副總兵一員提督海防以湯克寬爲之三十三年以南京兵部尚書張經兼右都御史總督南直等處軍務發六萬金調發山東民兵及青州水陸槍手千人赴淮揚聽經調用復從經言調四川等處狼兵五千人赴浙直禦倭其後遂改經爲右都御

史兼兵部右侍郎專一總督軍務其時雖有王江涇之捷而倭患未已于是南御史屠仲律言五事一絕寇源二防海口三責守令四議調發五作勇敢其防海口云夫海固涯涘無際然賊泛海來犯放洋則衝藩入口則起陸非可絕險而徑度也故其往來所由出入可設險防拒者姑自浙東西大江以南濱海數郡言之入平陽港則近金鄉入黃花澳則近盤石而逼溫州入海門則越新河而寇台州入寧海關入湖頭灣則窺象山定海而瞰寧波入江口則搖尾于紹興入鯨子門則垂涎于杭州入乍浦峽則流毒于嘉

興入吳松江則犯松江入劉家河入七了港則掠蘇州此其大勢也中間經行或潛形于馬蹟山或遊跡于大七洋及大小衢上下川則其要害也此沿海諸郡之通患也故守平陽港拒黃花澳據海門之險則不得犯溫台塞寧海關絕湖頭澳遏三江之口則不得窺寧紹把鯨子門則不得近杭州防吳淞備劉家河七了港楊威馬蹟大七洋大小衢上下川諸險則不得掩蘇松嘉興此地險也一處失守蔓延各處不可以彼此分遠近易也且賊長於陸戰短於水鬪以其船不敵而火器不備也在我宜用所長棄所短則

莫若恃海船請集齊見在船舫不足則令福建如法
添造或即令沿邊地方買補每大小船百隻或五十
隻號爲一綜募以貫習水工而充以原額水軍于前
諸海口各量緩急爲置多寡又爲遊兵數紮分布上
流往來要害優其芻糧衣甲令更番巡邏併力捍禦
來遇其衝去擊其情賊入而力拒有功者陞賞其失
備者重究此禦寇之長算也故法不可不厲也臣聞
倭之入也豈盡無軍之患蓋有軍而移入便地者矣
有失於巡哨者矣甚者買渡報水受其鈎餌者矣若
此則地方奚賴焉夫百處守之一處失之無益也千

日防之一日疎之無益也事在督撫及海道諸臣明
信其賞罰耳部是其議未幾張經中讒死而胡宗憲
代之時苦兵少難守禦請選練鄉兵兵部言浙直沿
海一帶原有各衛所軍平時既以民養兵臨時復以
民衛兵殊失祖宗設軍衛之意請汰去鄉兵之老弱
者而脩舉各衛所軍政募民墾屯其浙直通泰之閩
最利水戰往時多用沙船破賊宜視客兵例厚賞給
以招徠之防禦之法守海島爲上宜以太倉崇明嘉
定上海沙兵及福蒼東筊等船守普陀大衛其陳錢
山爲浙直分路之始狼福二山約東海尾交接江洋

亦屬要害宜令通泰兵備叅將督水兵固守萬一登岸則副總兵以陸兵遮擊已復令直隸沿海地吳淞江劉家河福山港鎮江團山五總宜添設遊兵一部撥給福船五十艘令把總官一員統之以爲聲援仍聽副總兵調度報可三十七年福建都御史王詢言閩中之勢福寧北路之要害也寇自台溫來者必犯之詔安南路之要害也寇自廣潮來者必犯之誠得專將分守兼轄水路賊難狡悍豈能越境請以福建福興爲一路領以叅將黎鵬舉駐福寧水防自流江烽火門俞山小埕以至南日山漳泉爲一路領以叅

將王麟駐詔安水防自南日山至浯嶼銅山左鍾走
馬溪安邊館凡水陸兵及諸衛所官軍有司團練民
兵皆聽節制又福建省城介在南北而去海不過五
十里宜有重兵請更設叅將一人以署都指揮僉事
曾請克之部領哨船選募精銳五百人往來閩安鎮
東福清平海之間與主客兵互相應援兵部覆奏從
之三十九年增設水兵把總一員于狼山民兵把總
二員于曹沂二道而廣之惠潮增設叅將駐揭陽督
兵防禦未幾福建都御史游震得言浙江溫處與福
寧州接壤實倭寇出沒地一時諸將賢者莫如戚繼

光宜進繼光爲副總兵兼守其地而于福寧州增設
守備隸繼光節制募兵三千以備守戰又漳州月港
亦通倭要地并宜增設守備即以指揮歐陽深克之
而聽節制於總兵俞大猷其閩地延平建寧邵武爲
八郡上游宜令建寧募兵一千延邵各五百使指揮
樂垣統之以備緩急詔皆可後宗憲速革總督官浙
江專任巡撫都御史趙炳然請令定海總兵屬浙江
金山總兵屬直隸各兼理水陸軍務有警互相策應
其後福建莆田倭寇平巡撫譚綸請復五水寨舊制
言自福寧南下達漳泉置水寨五以扼外洋法甚周

悉今宜復舊以烽火門南日山浯嶼三隸爲正兵銅
山小埕二隸爲遊兵寨設把總一員領之而爲之分
信地明斥堠嚴會哨殿功罪使總覈有經坐收實効
又言副總兵戚繼光宜擢爲總兵鎮守全閩仍增設
坐營都司一員把總二員充其任使原設三路參將
悉宜改爲守備福建新募浙兵列爲二班各九千人
上班者以九月初一日爲始用防秋汛至十月散回
下班者以十月初一日爲始赴戍所防春汛至六月
中散回更番迭上歲以爲常各縣額設民兵宜汰其
老弱盡以精悍者克補仍分爲二部一屬本縣掌印

官訓練防守一屬巡捕官赴府團操每府委或職一人統督兵備道以時閱視別其勤惰而賞罰之帝皆是之其年改南直隸狼山副總兵爲鎮守總兵官兼轄江南江北四十三年添設廣東海防僉事一員巡歷東莞以東莞豐惠潮等處專禦倭寇至隆慶初倭寇弭而諸零寇猶從曾一本等寇碣石別部林道乾諸良寶等迄萬曆初尚不靖二年應天巡撫宋傑望請以副總兵駐吳淞參將移鎮金山遊擊移鎮劉河常鎮參將就駐揚舍明年以廣東南澳據漳泉要害議設官建鎮以廣之柘林水寨及漳之銅山遊卒舟

屬之益自嘉靖倭變以來沿海大都會各有督撫重臣總軍務又有專勅臬臣備兵事有總政大將軍職調度又有參遊備守等官司哨守而諸所防禦于粵則有東中西三路東扼全粵之上游中防省會之大洋西禦番寇之突入于閩則有五水寨曰漳州銅山寨泉州浯嶼寨興化南日寨福州小埕寨福寧州烽火門寨皆領以把總而分轄於南路之副總兵中北二路之參將節制於津潮之總兵官于浙則有六總金御盤石二衛爲一總則統於溫處之參將松門海門二衛爲一總則統於金台巖之參將昌國衛及外

之前後錢爵四所爲一總定海衛及外之後所竊霽
大嵩中中中左爲一總觀海臨山二衛爲一總而皆
統於寧紹之叅將海寧衛爲一總而統於杭嘉湖之
叅將是爲六總于南直隸則乍浦以東金山衛扼其
衝爲之設叅將黃浦以北則吳淞江口當其吭爲之
設總兵而要地若柘林川沙窪劉家河福山港崇明
皆賊巢或出入道也各設把總屯守之于淮揚則總
兵駐于通州遊擊駐于廟灣而大河口狼山周家橋
掘港鹽城東海守禦所則或置把總或置守備以鎮
之于山東則登郡三面並防青菜亦東西兼顧其設

防則有巡察海道之副使管領民兵之叅將總督沿海兵馬備倭之都指揮而登州文登即墨三營各有把總官以統率衛所于薊遼則大沽海口宿重兵領以副總兵而以密雲永平兩遊擊爲之應援關以外則以中前前屯中後中右中左五所之兵守各汛而應援以寧前協守之叅將三坐以東九聯城以外劫鎮江城以遊擊兵千七百哨海上其他各以本營兵哨海口後總督侍郎劉繼文復請以寇鯨入犯視薊鎮禦邊例即匹馬入亦坐失機定罪未幾倭寇朝鮮直隸巡按御史張允升奏以天津近鄰畿輔當漕運

銜亟當備禦請將河間等衛軍士寬其修築內選精銳合守船南兵三千分配各船南北兼練與陸營兵三千相犄角遇警水陸夾擊可挫賊鋒而武清楊村等沿河地增立保甲墩堡以捍盜賊其年遂設天津巡撫鎮扼海上衛京師後五年兵部議將天津節下新勁之卒做防秋例分汛旅順山東按臣溫如璋言其不便有五渡海阻風一也轉餉難二也絕域難稽三也兵難約束四也倭警不易往援五也欲將其兵分而爲二擇精者五百用沙唬等船十八隻以守備統之防守從之及後登萊設撫鎮又于皮島置鎮屯

兵數萬糜餉百萬迨毛文龍死更歷劉興治陳繼盛
黃龍沈世魁數將而後撤監軍黃孫茂繼前將軍印
以身死之至閩粵之間海寇猖獗鄭芝龍降斬李魁
奇擒劉香以自効遂令駐安海鎮而先萬曆中福建
巡撫許孚遠奏築福州海壇山設兵城守因及于彭
湖諸嶼言其遙峙海中爲諸倭必經之地當築城置
營且耕且守斷諸種之往來據海洋之要害尤爲勝
算而浙東沿海諸山若陳錢金塘玉環南麂等處俱
可經理遂於閩浙接壤地設南麂副總兵增閩兵一
枝統領汛守至天啟中以紅彝故福建撫臣南居益

陳控守彭湖事宜設遊擊一員把總二員增兵三千
人築城設銳臺以守彭湖之地平灘逶迤如修蛇岐
港零嶼甚多其中汪洋空濶可以穩泊巨艘初爲紅
彝所據至是乃奪而守之